

**Utoqqalinersiaqarneq pillugu Inatsisartut inatsisaata allanngortinnejarnera pillugu
Inatsisartut inatsisaat**

*(Isumaginninnermut, Ilaqutariinut, Suliffeqarnermut Nunamullu Namminermut
Naalakkersuisoq)*

pillugu

Ilaqutariinnermut Peqqissutsimullu Ataatsimiititaliap

siunnersuutit aappassaaneerneqarnerannut

ISUMALIUTISSISSLUTAA

Ataatsimiititaliaq suliarinninnermini uku ilaasortarai:

Inatsisartunut ilaasortaq Mala Høy Kúko, Siumut, siulittaasoq

Inatsisartunut ilaasortaq Anna Wangenheim, Demokraatit, siulittaasup tullia

Inatsisartunut ilaasortaq Doris J. Jensen, Siumut

Inatsisartunut ilaasortaq Dines Mikaelsen, Siumut

Inatsisartunut ilaasortaq Mikivsuk Thomassen, Inuit Ataqatigiit

Inatsisartunut ilaasortaq Edvard Nielsen Aronsen, Inuit Ataqatigiit, sinniisussaq

Inatsisartunut ilaasortaq Mette Arqe-Hammeken, Naleraq

UPA2024-imi 9. april, siullermeinerup kingorna siunnersuut ataatsimiititaliap misissorpa.

Siunnersuutip imarisaa siunertaalu

Utoqqalinersiat pillugit Inatsisartut inatsisaannut allannguu ulloq 1. januar 2024-imi atuutilerpoq, taamaalilluni pilersuisussaaqatigiinnermut malittarisassat atorunnaarsinneqarlutik. Pilersuisussaaqatigiinneq pillugu malittarisassat atorunnaarsinneqarnerat utoqqalinersianut tapit naatsorsorneqartarnerannut utoqqalinersiallit ilaannut siunertaanngitsumik pitsaanngitsumik kinguneqarsimavoq, matumani ilanngullugit utoqqalinersiallit utoqqalinersiaqarsinnaatitaanngitsumik aappaqartunut, aappariillu ukiumut 300.000 kr.-t ataallugit isertitaqartartunut. Allannguu utoqqalinersiallimmut aappaqartumut kisermaatut tapeqarsinnaajunnaarneranik kinguneqarpoq. Taamaattumik januar 2024-imi Naalakkersuisut 2024-imut Aningaasanut Inatsimmut immikkut oqaasertaliinissap akuersissutigineqarnissa Aningaasaqarnermut Akileraartarnermullu Ataatsimiititaliaanut qinnutigaat, taamaalilluni 1. Februar aallarnerfigalugu kommunit utoqqalinersiallinut

siusinnerusukkut § 5, imm. 2-mut ilaatinneqarsimasut tapinik akiliuteqartarnissamut inatsisitigut tunngavissaqalerput.

Utoqqalinersiat pillugit Inatsisartut inatsisaanut allannguutissatut siunnersummi iluarsisami utoqqalinersiallit utoqqalinersiaqarsinnaatitaanngitsunik aappallit, aamma ukiumut 300.000 kr.-nit ataallugit isertitaqartartunut kisermaatut tapeqarsinnaatitaanerat atuutilerseqqinnejqarpoq, peqatigisaanillu 2024-imut Aningaasanut Inatsimmi utoqqalinersianut tapeqarsinnaatitaaneq pillugu oqaasertaliussaq peerneqarluni.

Siunnersummi isertitakinnerpaat annertusisamik utoqqalinersiaqarsinnaanerat qulakkeerneqarpoq, malittarisassallu aqunneqarnerat pisariinnerulersinneqarluni.

Inatsisartut inatsisaat atortussanggortinnejqarnerata aqaguani atuutilersinneqassasoq siunnersuutigineqarpoq.

Siunnersuutip Inatsisartuni siullermeernejqarnera

Siullermeernejqarnerani ukiut ingerlanerini Inatsisartut inatsisaata allannguutigisarsimasaai pillugit aamma siunertarineqanngitsumillu kingunerisarsimasaai pillugit oqallisigilluarnejqarput. Taamaattorli utoqqalinersiallit aningaasatigut atugaasa ajorseriaateqannginnissaat annertuumik isumaqatigiissutigineqarpoq, immikkoortorlu ataatsimiititaliami suliarineqarnissaa innersuussutigalugu.

Tusarniaaneq

Siunnersummut nalinginnaasumik oqaaseqaatini tusarniaaneq pillugu immikkoortumi allassimavoq siunnersuut tusarniaassutigineqarsimanngitsoq. Siunnersuut kommunit isumaginninnermut ingerlatsivii aamma KIMIK IT A/S kommunit utoqqalinersianik tunniussisarneranni sulianik suliarinnitarermut aaqqissuussaanik ineriartortitsinermik ingerlatsisoq peqataatinnejqartuartut Naalakkersuisut oqaatigaat. Tamatuma saniatigut Aningaasaqarnermut Akileraartarnermullu Naalakkersuisoqarfik suliap ingerlanerani immersueqataavoq.

Siunnersuutip aningaasatigut kingunerisassai

Siunnersuutip piviusunngortinnejqarnerani aningaasatigut kingunerisassai siunnersummut nalinginnaasumik oqaasertaliussani allaaserineqarput.

Siunnersuutip akuersissutigineqarnerani aningaasatigut annertunerusumik kinguneqarnissaa naatsorsuutigineqanngitsoq siunnersummut nalinginnaasumik oqaaseqaammi allassimavoq. Tunngavigneqartut aallaavigalugit allatut naliliissalluni pissutissaqanngitsoq ataatsimiititaliaq isumaqarpoq. Ataatsimiititaliap tatigaa apeqqut pillugu Naalakkersuisut peqqissaarullugu misissuisimasut, taamaalillunilu aningaasatigut kingunerluutigisinnasai pinngitsoortinnejqassallutik. Taamaakkaluartoq pisortanut annertunerusumik aningaasatigut

kinguneqassagaluarpat aningaasaliissutigineqareersimasunit matussuserneqarsinnaassapput, taamaaliortoqassappalli suliniutit allat salliuutinneqannginnissaannik kinguneqassaaq.

**Isumaginninnermut, Ilaqutariinnut, Suliffeqarnermut Nunamullu Namminermut
Naalakkersuisumik ilisimatitsiffiusumik ataatsimeeqatigineqarnera**

Naalakkersuisup ataatsimiitaliaq ulloq 18. april 2024-imi ilisimatitsiffiusumik ataatsimeeqatigiinnissamut aggersarpa. Ataatsimiinnermi atortut isumaliutissiissummut matumunnga ilanngussaq 1-itut ilanngunneqarput.

Ataatsimiitaliap siunnersummit suliariinninnera

Inatsimmi allannguutit kingullit siunertarineqanngitsumik kingunerisimasaasa aaqqiivigineqarnissaasa tamanit soqutigineqarsorinartoq ataatsimiitaliamit aallarniutigalugu oqaatigineqassaaq. Ilisimatitsiffiusumik ataatsimiinnermi atortorisat isumaliutissiissummut ilanngussami 1-miittut ataatsimiitaliamit innersuussutigineqarput, tassani utoqqalinerianut tapit naatsorsorneqarnerat ersarissumik allassimapput, aamma isertitat assigiinngitsut naatsorsoqqissaarneqarsimaneri allassimallutik. Taamaattumik Naalakkersuisut paasissutissanik inatsimmut allannguutinik siunertaasumut tapersersuutaasunik saqqummiussisimasorinarpot.

Aningaasatigut ajornartoortunut, soorlu malittarisassani allannguutit 1. januar 2024-mi atuutilermata utoqqalinersiallit ilaannut taama atugaqartitaasimasunut, tapiissuteqarsinnaanermik periarfissaq pillugu Naalakkersuisut kommuninik oqaloqateqarsimanerat ataatsimiitaliamit naggasiutigalugu oqaatigineqassaaq. Tassunga atatillugu ataatsimiitaliamit oqaatigineqassaaq inatsisit malinneqarsimanerat pissutigalugu tamatuma ajoraluuartumik periarfissaanginnera Naalakkersuisunit atortussani ilanngussaq 1-im i allassimammatt.

Ataatsimiitaliap inassuteqaatai

- Ataatsimiitaliamti amerlanerussuteqartut Inuit Ataqatigiinneersut, Siumumeersut Demokraatineersullu siunnersuut akuerineqassasoq inassutigaat

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.

Mala Høy Kúko

Siulittaasoq

Anna Wangenheim

Doris J. Jensen

Siulittaasup tullia

Dines Mikaelsen

Mikivsuk Thomassen

Edvard Nielsen Aronsen,
sinniisussaq

Mette Arqe-Hammeken

